

1289 Mai 2.

[28]

68 Die Stadt Ahlen bekundet den Vergleich des Hermannus Dilige mit dem Stift Breden.

Nos Vernherus iudex, scabini, consules opidi in Alen universis visuris presentia protestamur, quod Hermannus dictus Dilige laborans venire contra factum sue vendicionis curie in Borbene facte legitime a se, Gosstino fratre suo et ab aliis suis coheredibus, prout in instrumentis nostro sigillo roboratis supradicto facto ipsorum confectis plenius continetur, salubri amicorum suorum inductus consilio omni inpeticioni seu iuri, quod sibi ratione successionis hereditarie competere poterat, accedente ad hoc consensu Lutgardis uxoris sue, Hermanni, Frederici et Gertrudis liberorum eiusdem voluntarie et expresso in nostra constitutus presentia renunciavit in manus domine prepositisse Beatricis ecclesie Vredensis libere et absolute. Huius rei testes sunt Hinricus decanus et Siffridus scolasticus in Bekehem, Varmundus veteris et Lambertus nove ecclesiarum in Alen, Ludolfus et Lambertus sacerdotes; Adolfus de Ostenvelde, Gerlacus Bitter, Rodolfus Longus, Johannes de Vulfhem, Hugo de Amvich militares; Everhardus de Puteo, Albertus dictus Iudicis, magistri scabinorum; Nicolaus Delen, Johannes Holle, Johannes Make, Johannes de Eningerlo, Scvederus in Campo, Hinricus Evervini, Dymarus dictus Rost, Alhardus de Gusnen et alii plures. Datum anno Domini M^oCC^oLXXX^o nono in crastino Philippi et Jacobi apostolorum. Preterea inter nominatos presentes erant: Theodericus scolasticus et Sophia canonica ecclesie Vredenensis, Gotfridus officiatius preposite supradicte, Gosstinus de Dene villicus de [Vosd]¹⁾inghen et Hinricus opidanus in Vredene. In cuius rei testimonium rogatu ipsius Hermanni Diligen, uxoris et coheredum suorum prenominatorum una cum sigillis nostri, videlicet opidi, decani ecclesie in

Bekehem ac plebani veteris ecclesie in Alen presentem duximus paginam roborandam.

Orig. Von 3 Siegeln das 3. teilweise erhalten; Lade 217, 1 Nr. 13. Kopiar fol. 21 v.